

Steinersdorfer - Rud

Rudenkirtag Sierning Faschingdienstag 4.3.2025



<p>D Stoanasdorfer woin euch griassn Haum wieder Zuwachs Soiz es wissen Auf da Bühne wirds schau eng 22 san nimma zweng Unsre Damen gfoin uns voi Fühln uns woi im Heanastoi Waun ois passt wean mas probiern Das ma d Herdprämie kassiern</p>	<p>Da Lehner Sigi auweh Wü jez a in Rentn geh D Firma is zum bergebm Doch er braucht a wos zum Lem Bezieht die Mindestpension Wü vom Buam an bozn Lohn Den Lifestyle muast moi finanziern Des wiad da Mike jetzt gaunz sche gspian</p>
<p>Da junge Wiat vom Hiasmoa Woa auf Praktikum letzts Joah Große Traktorn, wü er lenkn Duads daun a glei nu versenkn Foad wieder hoam noch drei Wochn Sogt dort kinnans so schlecht kochn Dem deitschn Baun woas glei gwiß Das d Erhoitung z'teia is</p>	<p>4 Rudn kumman vom selbn Ort San ned vo weit fort Und ah s neiche Prinzenpaar Kummt von Woidneikiacha Da Ruf da Kerbl soin si frogn wos se ois foisch gmocht hobn Liabe Leit samma si ehrlich S'lem in Neikiacha oafoch herrlich</p>
<p>Moser Irene Nachfolga Social Media Superstar Seit er is im Aumt Is er im Netz recht bekaunnt Da KHG is jetzt da A neicha Influenca Foto vom hund, ned da frau Bringt mehr likes, was er genau</p>	<p>In österreich des gibts jo net Is a jede partei zbled An koalitionen wird gefeilt A jede partei, drauf geilt Zwa versuche haums schau braucht Diskutiert, dass nur so raucht Für d Regierung hätt ma gern Unsare rudentanzherren</p>
<p>Damit er guad is da Ertrog Steck Poimbuschen indn Schlog So geht de Hiasmoa Hausherrin Damit er steigt, der Gewinn Hod si daun beim Föd vertau Narrisch reißt ers aus ihr Mau Host zvä Grund woast nimma gwiss Wöchas Föd des deine is</p>	<p>Gatterbauer Hansi und Evi sats gach stad An Schwigasu haums zuwaszht Des lange warten hat a end Lassts euch vazöhn de Umständ Beim Jungwirt was zum übergebm Doch bevor sie sich festlegn Dengan si, es wa recht nett Waun er s Hoizna ah nu hätt</p>
<p>Die bodennahe Gülleausbringung A Fassltausch is Bedingung Hüft zu verhindern Emissionen Baun griang Göd für de Aktionen Da Hummenberger ned nochfroggt Hedns erm hoid gsogt Bei de Förderungsvorgobm Muasst da d Ax ned brocha hom</p>	<p>In Bochna Franz, is passiert Sei Hund hods fuada ignoriert Beim Tieroazt homsn daun gfroggt Ob er wos foischs dawischt hod Daun kimt da Oaztbefund Im Darm steckt ah Drum Geiler Hund de Diagnose Gfressn hod ah d Netzstrumpfhose</p>